

Protocol no. 86
Sezzüda da lündeschdi, 24 schner 2011, 20.00 – 21.30

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann e Patrizia Wieser (protocol)

S-chüsà Jachen Andri Schmidt

Protocol

Il protocol no. 85 da la sezzüda dals 10 schner 2011 vain approvà.

744 021 FABRICA
Jon Andri Pult – Divers müdamaints dal proget – Plaz

Il Cussagl cumünal piglia cogniziun dals müdamaints tenor ils plans inoltrats.

745 942.423.07 Chamonnas cumünalas
Chamonnas cumünalas 2011

Il Cussagl cumünal piglia incurter las annunzchas per las chamonnas pel 2011 e decida da surdar quellas seguaintamaing:

- | | |
|-----------------|---|
| - Muschna | Jöri e Seraina Felix |
| - Charanella | Andri Fried, Christian Felix ed Arno Felix |
| - S-chalambert | Georg Buchli |
| - Chöglias | Otto, Nicolo e Flurin Roner |
| - Chavriz Grond | Jon Domenic Vital, Ernest Vital, Daniel Vital, Silvio Vital, Johann Otto Taverna ed Andri Taverna |
| - Patschai | Jon Andri Schmidt |
| - Darsüra | Not ed Anna Barbla Buchli |
| - Taslaina | Jachen e Tina Puorger |
| - La Latta | Plasch Demonti, Otto e Carl Scandella |
| - La Chavrida | 1. gruppa: Armon e Roger Taverna, Remo Jäger, Men e Conrad Benderer |
| | 2. gruppa: Lorenz, Armon, Claudio e Marco Scandella e Prisca Scandella |
| - Uina Dadora | Flurin Nuotclà, Andrea Hauser e Mario Tschalär |

746 11 PULIZIA
Uorden da multas disciplinas

Il Cussagl cumünal approva l'uorden da multas disciplinas. Quel regla tanter oter il gener e l'otezza dals chastis, uschè cha la pulizia chantunala po applichar a partir da subit la ledscha da pulizia.

747 340.366 Promoziun sport
Premi Sent in movimaint

La 2nda etappa da l'occurrentza Sent in movimaint es a fin. Cun trar la sort survegnan seguaintas persunas ün premi (bun dal Sport Champatsch):

- Bina Albertini
- Mengia Fried
- Annina Mosca

Sincerass gratulaziuns. L'occurrentza cuntinua eir dal 2011 (1.1.2011 – 30.6.2011).

748 830 TURISSEM
Chasa Veglia

Il schef turissem orientescha sur dal stadi actual da la gestiun dal restorant Chasa Veglia. Tanter oter eir sur dals müdamaints da personal.

750 0 ADMINISTRAZIUN GENERALA
Pagina d'internet Sent-Online

Il Cussagl cumünal decida d'augmentar l'indeminsaziun per la lavur da la pagina d'internet per fr. 200.-- l'on. In quist augmaint es cumprais eir la banca da datas, la quala gniva pajada a terz.

751 790 PLANISAZIUN DAL TERRITORI
Ledscha 1. e 2. abitaziuns

Trais persunas da Sent fan la dumonda da pudair collavurar in üna cumischiun per la direcziun da 2. abitaziuns. Actualmaing exista üna cumischiun regionala suot la bachetta da la PEB ingiò chi fan part pels cumüns Scuol, Ftan, Tarasp e Sent ils capos e'ls schefs da fabrica. Il Cussagl cumünal es da l'avis da nun installar pel mumaint üna cumischiun speciala per la direcziun da 2. abitaziuns cumünala. In üna fasa plü tard, schi fa dabsögn, pigliarà il Cussagl cumünal sü contact cun quellas persunas.

Orientaziuns
Pro idioms

Cusgliera Marianne Werro orientescha sur la radunanza da fundaziun chi ha gnü lö als 14 schner 2011 a Zernezz.

Per l'actuar: